

अच्छुअ सअअम्

सिरिवेङ्कड णाहज्जो कइतक्किअ सीह सव्वतन्त सतन्तो ।

वेअन्तारिअ वज्जो मह सण्णिज्झेउ सइ सअं हिअम्मि ॥

णमह तिअसाण णाहं सच्चं दासण अच्छुअं ठिरजोइम् ।

गलुल णइ तड तमाळं अहिन्द णअरो सहाअ लेक्क गइन्दम् ॥१

किंकर सच्च थुई तुह सअंभु गेहिणि विलास वाहित्ति मई ।

फणिआ बाळेण मए पञ्जर सुअ जप्पिअं व कुणउ पसाअम् ॥२

मइलं वि भासिअं मह किंकर सच्च तुह कित्ति जोण्हा पसरे ।

लग्गं लहउ विसुद्धिं रच्छा सलिलं व तिवहआ सोत्त गअम् ॥३

तत्थरि णएण ठविआ सोहउ तिअसाण णाह तुज्झ समाए ।

वन्दित्तण महिआणं मज्झम्मि सुईण बालिसा मज्झ थुई ॥४

अम्ह गुरूणं अच्छुअ जीहा सीहासणम्मि लद्ध पइट्ठो ।

पडिवाइअ परमट्ठो वारेसि अपण्डित्तणं अम्हाणम् ॥५

हिअएसु देसिआणं जण्हइ लहरिसु पुण्णचन्दोव्व फुडो ।

कलुस जलेसु व हंसो कसाअ कबुरेसु ठासि अच्छुअण खणम् ॥६

आअम मेत्त पमाणो आगोविअणम् पस णिअ माहप्पो ।

सदहिअ हिअअ सुलहो दूरं मुअसि णअसच्च डोलाअन्ते ॥७

सइ खविअ सअळ हेअं सरणागअ सच्च सच्च णाणाणन्दम्

उळ्ळडिअ तिविहन्तं उवणि सआणं सआइ गाअन्ति तुमम् ॥८

अच्छुअ सअअम्

कुणसि ण कीरसि केण वि ठावेसि ण संठविज्जसि अणण्ण ठिओ
हरसि णिहिलं ण हीरसि अहिन्द णअरिन्द अणह जोइ फुरन्तो ॥९

अणु पमिअस्स वि अच्छुअ सत्ती तुह सअल धारणाइ बहुत्ता ।
तेण पडिवत्थु पुण्णो सुव्वसि अपडिहअ णिअठिई सव्व गओ ॥१०

सअळाण धरण णिअमण सामित्तण णिअम संठिओ सव्व तणू ।
सुव्वसि अच्छुअ सव्वो सइ दंसिअ कज्ज कारणत्तण कबुरो ॥११

पुरिस पहाण सरीरो भुवणाणम् होसि अच्छुअउवाआणम् ।
णिअ संकप्प सणप्प सणाहो वहसि णिमित्तत्तणं वि अब्भुअ सत्ती ॥१२

विसम गुणङ्कुर पअरे जलम् व सामण्णा कारणं तुह केळी ।
णिअ कम्म सत्ति णिअअ अच्छुअ बम्हाइ ठावरन्त विसेसा ॥१३

पुरिसा तुज्झ विहूई अच्छुअ लच्छीअ इत्थिआ सण्णाओ
णित्थि परं तुज्झाणं सा वि सिरी होइ तुज्झ किं उण इअरम् ॥१४

णहु तुह सरिसब्भहिआ णाह तुमं एव्व सव्व लोअ सरण्णो ।
एआव णाण सारं इअ मुणिउं तिअसणाह इअर विइन्ता ॥१५

भाइ फणिन्द उराहिव पडिवालेन्तेसु पाअड बहुत्त फला ।
अवि दुहिणप् पमुहेहिं आणत्ती तुह अलङ्घणिज्ज पहावा ॥१६

णिअम विहीण पउत्ती सव्वाण वि दाससच्च उद्दिसिअ तुमम् ।
सद्ध णिमन्तिअ बम्हण समाहि सिद्धम् ल्हन्ति तिअसा भुत्तिम् ॥१७

अच्छुअ सअअम्

आरज्झ तिअस विलए अच्छुअ णिच्चं ण ठासि जइणाम तुमम् ।

कम्माण कप्पिआणं काही कप्पन्तरेसु को णिव्वेसम् ॥१८

कप्पेसि कङ्खिआइं कप्पदुमो व्व सिरि कञ्चण लआ सहिओ ।

णअसच्च सइ फलाइं णिअ छाहि णिहिण्ण णिच्च ताव तिहुवणो ॥१९

सअळाअमाण णिट्ठा सअळ सुराणं वि अन्तरो अप्पाणो ।

सअळ फलाण पसूई सअळ जणाणं समो खु णअसच्च तुमम् ॥२०

इअ सव्वाण समाणो सच्च ठिओ दास सच्च सइ परिपुण्णो ।

कह वहसि पक्ख वाअं पण्डव पमुहेसु पेसणं वि सहन्तो ॥२१

विसमम्मि कम्म मग्गे विपरि खलन्ताण विब्भलिअ करणाणम्

णाह णिहिळाण अण्णो णत्थि तुमाहि णअसच्च हत्थाळम्बो ॥२२

णाणस्स को अविसओ अच्छुअ कलुणाअ तुज्झ को दूरिओ ।

सत्तीअ को अइभरो ता खु उवाओ तुमं चिअ सअं सिद्धो ॥२३

संकप्प कण्ण हारो किङ्कर सच्च भव साअरे अइगाहिरे ।

अणहो तुमं खु पोओ अप्पाण किवा समीरणेण पउत्तो ॥२४

अच्छुअ ण देन्ति मोक्खं ईसर भावेण भाविआइअर सुरा ।

रत्तिं परिवट्ठेउं लक्खं आळेक्ख दिण अराण विण खमम् ॥२५

अमअ रस साअरस्स व अहिन्द उर णाह णिम्मल महग्घाइम् ।

तीरन्ति ण विगणेउं अणण्ण सुळहाइ तुज्झ गुण रअणाइम् ॥२६

अच्छुअ सअअम्

भूसिअ सुइ सीमन्तो भुअ इन्द उरेस सव्व गुण सीमन्तो ।
खविअ तिसा मळ मोहो मुणीण हिअएसु फुरसि सामळ मोहो ॥२७

सुह लक्खण सिरिवच्छो सोहसि णिम्मत्त विरह खण सिरिवच्छो ।
रण देवण सविहगओ उद्धण गलुलण इतीर वण सविह गओ ॥२८

अकुमार जोव्वण ठिअं अहिन्द उरणाह अहिमअं अणुरूवम् ।
णिच्चं सहाव सिद्धं सुव्वइ सूरि महिअं सुहं तुह रूवम् ॥२९

तिउणं तस्स विआरा अच्छुअ पुरिसोत्ति आअम गणिज्जन्ता ।
अत्था तुह खु समत्था परमि रूपम्मि भूसणत्थ सरूवा ॥३०

णिन्ति तुमाओ अच्छुअ णिक्खविअ विवक्ख णिट्ठुर परक्कमणा ।
संठविअ परम धम्मा साहु परित्ताण सप्फला ओआरा ॥३१

हरि मणि सरिच्छ णिअ रुइ हरिआ अन्त भुअइन्द वुर पेन्तो ।
काले दास जणाणं कण्ह घणो होसि दिण्ण कालुण्ण रसो ॥३२

गलुल णइ कच्छूण्णे लक्खिज्जसि लच्छि महि कणेरु मणहरो ।
दीसन्त बहुळ दाणो दिसा गइन्दो व्व खुडिअ दणुइन्द दुमो ॥३३

मुह चन्द मोळि दिणअर मज्झ ठिओ तुज्झ चिउर भारन्धारो ।
अघडिअ घडणा सत्तिं सच्चं ठावेइ दास सच्च समग्गम् ॥३४

परिहसिअ पुण्ण चन्दं पउम सरिच्छ प्पसण्ण लोअण जुअळम् ।
सङ्कप्पिअ दुरिआइ वि सम्हरिअं हरइ दास सच्च तुह मुहम् ॥३५

अच्छुअ सअअम्

माहप्पं तुह महिअं मङ्गळिअं तुळसि कोत्थुह प्पमुहाणम् ।

अच्छुअ ठिर वणमालं वच्छं दंसेइ लच्छि लक्खण सुहअम् ॥३६

णिव्विसइ णिच्च तावो देवअणो देवणाअअ विहि प्पमुहो ।

सीअळ सन्त बहुत्तं छाहिं तुह विउळ बाहु कप्प दुमाणम् ॥३७

सङ्कप्प चन्द खोहिअ तिउणो अहि विउळ बुब्बुअ प्पअरेहिम् ।

बम्हण्डेहि वि भरिअं किङ्कर सच्च तुह कीस णु किसं उअरम् ॥३८

णाहि रुहं तुह णळिणं भुअईसर णअर णाह सोहइ सुहअम् ।

मज्झ ठिअ बम्ह भमरं वच्छासण लच्छि पाअ वीढ सरिच्छम् ॥ ३९

दिढ पीडिअ महु कइढव सोणिअ पडल परिपाडलम्बर घडिआ

राअइ अच्छुअ मुहला रइणाह गइन्द सिङ्खळा तुह रसणा ॥४०

दासाण सच्च दीसइ दाणव वीराण दीह णिदा सअणम् ।

तुह उअरठ्ठिअ तिहुवण पासाअक्खम्भ सच्छअं ऊरु जुअम् ॥४१

जाणु मणि दप्पणेण अ जङ्घा मरगअ कळाइआए अ धणिआ ।

अच्छुअ ण मुअइ कन्ती लच्छी व सरोअ लज्छणे तुह चळणे ॥४२

सुइ सीमन्त पसूणं सोहइ णअ सच्च तुज्झ सव्व सरणम् ।

कमण खण जणिअ सुर णइ पसमिअ तेल्लोक्क पाअअं पअ पउमम् ॥४३

इअ तिहु वणेक्क मूळं आसादेन्ति अणहा अमअ साउरसम् ।

ओसहि महि हर पासे उइअं तुं ओसहिं व दास रुआणम् ॥४४

अच्छुअ सअअम्

सिद्धञ्जणम् व सामम् तुज्झ तणुं णिअ विलोअणेषु खिवन्ता ।

अच्छुअ लच्छि णिवासं णिच्च णिऊढं णिहिं व पेच्छन्ति तुमम् ॥४५

विहडिअ णिविडन्धारो घडन्त जोई तिलोअ एक्क गह वई ।

दिट्ठि गओ जाण तुमं णमन्त सच्च ण हु ताण मोह तिआमा ॥४६

विसअ रसम्मि विरत्ता विआर जणणेहि वि ण हु विकीरन्ता ।

जीवन्त मुक्क सरिसा अच्छुअ दीसन्ति पावणा तुह भत्ता ॥४७

गन्धव्व णअर सिमिणअ सारिच्छाणं सिरीण वण सरिआणम् ।

ण सुमरइ तुम्ह गहिओ सरणा गअ सच्च सइमयो जीअ गओ ॥४८

ण महेन्ति णाण वन्ता तरङ्ग डिण्डीर बुब्बुअ सारिच्छाइम् ।

विहि पमुहाण पआइं घण कन्दळि कन्द कअळि खम्भ समाइम् ॥

पुळ इअ स पर सहावा पुरिसा घेत्तूण सामिणो तुह सीळम् ।

णाह णअ सच्च सघिणा ण मुअन्ति कहं वि सव्व जण सोहदम् ॥५०

माण मएसा मच्छर डम्भासूआ भआमरिस लोह मुहा ।

दीसन्ति ण मोह सुआ दोसा दासाण सच्च तुह भत्ताणम् ॥५१

जाण मई इअर मुही काळो सअळो वि ताण कलि वित्थारो ।

जे तुह पअम्मि पवणा णत्थि कली णाअवइ णअर वएत्ताणम् ॥५२

अच्चा सण्ण विणासा अच्छुअ पेच्छन्ति तावए भत्तअणे ।

मोक्ख रुईण सुमग्गे मूढा दिअह अर मण्डलम्मि व छिद्दम् ॥५३

अच्छुअ सअअम्

णि तुडिअ दुम्माण घणा णिम्मल गुण घडिअ तारआ पब्भारा ।
भासन्त भत्ति जोणहा णअ सच्च फुरन्ति णह णिहा तुह भत्ता ॥५४

ण हु जम विसअम्मि गई णअ सच्च पअम्बुअं तुह पवण्णाणम्
खलिआण वि जह जोग्गं सिक्खा सुद्धन्त किङ्कराण व लहुई ॥५५

कम्म गइ दोस दुहिआ कअन्त भिउडी भुअङ्गि दंसण तत्था ।
अच्चन्ति तुज्झ चळणे अच्छुअ पब्भट्ट वम्मह रसा साआ ॥५६

आलग्गइ तुह चळणे अच्छुअ विहिणा वि अच्छणा आअरिआ ।
जाएक्कन्ति पउत्ता सेसं व सअं सिरेण पडि गेण्हसि तम् ॥५७

तुह मुह जोणहा दाविअ माणस ससि अन्त पवह संणिह बाहे ।
अच्छुअ ण मुअसि भत्ते कळम्ब गोळ णिह कण्ट अन्त णिअङ्गे ॥५८

सव्वेसु वि णिव्वेरा सरणागअ सच्च गहिअ सासअ धम्मा ।
गअ सङ्गा तुह भत्ता जन्ति तुमं एव्व दुळ्ळहं इअ रेहिम् ॥५९

अहिवइ णअरिन्द तुमं आसण्णं वि गअणं व सइ दुग्गेज्झम् ।
विस एसु विलग्गन्ता तूरन्ता वि ण लहन्ति डोळन्त मणा ॥६०

भत्ता तावअ सेवा रस भरिआ सअल रक्खणोसुअ रुइणा ।
करणाइ धरन्ति चिरं कङ्खिअ मोख्खा वि अच्छुअ तुए ठविआ ॥६१

ठिरगुण गिरि जणि एहिं संतारेसि णअ सच्च णिअ भत्तेहिम् ।
जम्म परिवाडि जलहिं जङ्गम ठिर सेउ दंसणिज्जेहि जणे ॥६२

अच्छुअ सअअम्

पसमिअ भवन्तर भआ पत्तं पत्तं हिअम् ति परि पेच्छन्ता ।

भावेन्ति तुज्झ भत्ता पिआइहिं व णअसच्च पच्चिम दिअहम् ॥६३

पअड तिमिरम्मि हुवणे पत्त पडिठ्ठाविअ परम णाण पईवा ।

णिज्जन्ति अच्छुअ तुए णिअं पअं सइ सअं पहां कअ कज्जा ॥६४

दिढ तिव्व भत्ति णअणा परि पेच्छन्ता अहिन्द उर णाह तुमम् ।

पत्ता तुह साउज्जं पन्तिं पूरेन्ति पण्ण इन्द मुहाणम् ॥६५

संणअ सुळ्हं अच्छुअ समाहि सोवाण कम विळम्ब विमुहिआ ।

सरणं गन्तूण तुमं मुत्ता मुउउन्द खत्त बन्धु प्पमुहा ॥६६

देवाण पसु समाणो जन्तू गन्तूण देवणाह तुह पअम् ।

तेहिं चिअ सव्वेहिं संसर माणेहि होइ सइ दिण्ण बली ॥६७

मोहन्धार महण्णव मुच्छिअ माआ महा रअणि पच्चूहो ।

अच्छुअ तुज्झ कडक्खो विमुत्ति पत्थाण पुडम परिअर बन्धो ॥६८

मोक्ख सुह रुक्ख मूळं मोह जराउर महा रसाअण पवरम् ।

सअल कुस लेक्क खेत्तं किङ्कर सच्च तुह कित्तणं अमिअ णिहम् ॥६९

णत्थि अहिक्कम णासो विच्छेअम्मि विण पच्च वाअ पसङ्गो ।

सप्पा वि तुह सपज्जा रक्खइ अच्छुअ महत्तरादु भआदो ॥७०

अपसाए अप सण्णा तुज्झ पसाअम्मि दास सच्च पसण्णा ।

आरज्झा होन्ति परे किं तेहि पसङ्ग लम्भिअ पहा वेहिम् ॥७१

अच्छुअ सअअम्

इअर तिअसा पसण्णा किङ्कर सच्च मह किं णु काहिन्ति हिअम् ।

णीहार घण स एहिं ण हु पूरिज्जइ कहं वि चाअअ तिण्हा ॥७२

अणुगअ सुह मिअ तिण्हा अच्छुअ वीसमइ तुज्झ मामअ तिण्हा ।

पवहेसु पसरिआ ए आसिअ पवहन्त घण किवा सरिआए ॥७३

विअल सअ लङ्ग विसमे धम्मे णअ सच्च धअ णिहे धारेन्तो ।

कन्तार पन्थओ विअ खळन्त चलणोमिह काअर विसीरन्तो ॥७४

ठिर धम्म वम्म थइअं अधम्म पवणाण अग्ग खन्ध पवट्टम् ।

अघडन्त विपडि सारं अच्छुअ मं हससि णूण लच्छि समक्खम् ॥७५

तरिउं अच्छुअ दुरिअं इमम्मि देहम्मि एक्क दिअहे वि कअम् ।

काळो अळं ण सअळो कलुणाए तुज्झ पुण्ण पत्तं म्हि इमो ॥७६

अच्छुअ तुज्झ गुणाणं मह दोसाणम् वि णत्थि कुत्थ वि गणणा ।

तह वि जओ पुढमाणं अहिअं लीणाण होइ णहु दोब्बळ्ळम् ॥७७

रत्तिं दिअहं अच्छुअ तुडिअ पडन्ताइ आउ दुम खण्डाइम् ।

दहूण वि दरिअमणं बालं एणिहं वि भरसुमं अपमत्तो ॥७८

णीसास सङ्कणिज्जे देहे पडळन्त सल्लिल बिन्दु सरिच्छे ।

मुणसि णअ सच्च तुमम् जरन्त करणे वि दीह जोव्वण तिण्हम् ॥७९

अमुणिअ णिअ काअव्वं तुळग्ग मुणिएसु मं वि पडिऊळ गइम् ।

इअ णिअ सहाव विळिअं हाउं दासाण सच्च णहु तुहजुत्तम् ॥८०

अच्छुअ सअअम्

कोहं किं करणिज्जं परिहरणिज्जं वि किंति जाणसि सव्वम् ।
तीरसि अ तं हिअं मह तिअ सेसर कुणसु णि हिअअ णिक्खित्तम् ॥८१

एण्हं उवरिं विइमो गुणा गहिओ दारु पुत्तओ व परवसो ।
तस्स वि मह तिअ सेसर तीसु वि करणेसु होसु सुह सङ्कप्पो ॥८२

णिअ कम्म णिअळ जुअळं अच्छुअ काऊण मह पिअप्पिअ वग्गे ।
काहो घोरे कळेवर काराघर कुहर णिग्गअं काहिसि मम् ॥८३

हदे तुमम्मि कइआ विस्समिअं बम्ह धमणि मग्ग णिहिन्तम् ।
दिणअर दिण्णग्ग करं अच्छुअ दच्छिहिसि दइअ डिम्मं विअमम् ॥८४

काहे अमाणवन्ता अग्गि मुहा आइवाहिआ तुह पुरिसा ।
अइळङ्घे हिन्ति मिमम् अच्छुअ तम गहण तिउण मरु कन्तारम् ॥ ८५

लङ्घिअ विरआ सरिअं लम्भिअ सइ सुद्ध सत्तमअ सोम्म तणुम् ।
कअ बम्हालङ्कारं काहिसि णअ सच्च किङ्करं काहे मम् ॥८६

संसार साअ राओ उक्खित्तं तिअस णाह फुरिआळोअम् ।
काहे काहिसि हिअ ए कोत्थुह मणि दप्पणम् व लच्छि पुळ इअम् ॥८७

काहे तुह पअ पउमे होहिमि णअ सच्च केळि कन्त तिहु वणे ।
मअण रिउ मउड मण्डण सुर सरिआ सोत्त सूइअ महु प्पवहे ॥८८

उवणि सआ सिर कुसुमं उत्तंसे ऊण तुह पअम्बुअ जुअळम्
दइओ होहिमि कइआ दासो दासाण सच्च सूरि सरिच्छो ॥८९

अच्छुअ सअअम्

अउणो णिउत्ति जोग्गं ओआर विहार सह अरत्तण धणिअम् ।
अप्प सम भोअ मेत्तं अणुहोहिसि देवणाह काहे णु मिमम् ॥९०

इअ फुड मणोरहं मंएआरिस वअण मेत्त सारं वसअम् ।
कुणसु निअ गुण गणेहिम् सच्चं दासाण सच्च सइ सच्छन्दो ॥९१

बाळ पव गोव्व तरळो मारुइ जाइत्ति साअरं तरिउ मणो ।
पत्थेमि तुमं अच्छुअ कद्धिअपअ पउम खमसु मह कावेअं ॥९२

अच्छुअ वि सअक्कन्तं भवण्णवा वत्त भमि णिथुठिज्जन्तम् ।
जणणी थणन्धअं विअ मं उद्धिरिऊण सेवसु सअं पच्छम् ॥ ९३

कम्म मअघम्म तविअं सुह मिअ तिण्हाहि काहि वि अतिण्णाहम् ।
कारेसु णिव्वुअं मं करआ सिसिरेहि अच्छुअ कडक्खेहिम् ॥९४

तुह चिन्तण विमुहाणं दिट्ठि विसाणं वदंसणाउ मोएन्तो ।
अमिअ मुहाणं विअ मं अच्छुअ भत्ताण णेसु णअणासारम् ॥९५

विस मिळिअ महु णिहेसु अ तिण पडिमेसु अ पडिग्गहेसु पळ्ळुठिअम् ।
अमिअ णिहिम्मि व अच्छुअ ठावेसु तुमम्मि णिम्मं मह हिअअम् ॥९६

णिच्चं इमम्मि किवणे णिक्खिवसु णमन्त सच्च णिहि सारिच्छे ।
पव हन्त णह पहाझर पसमिअ पणमन्त सञ्जरे तुह चळणे ॥९७

सरणाग ओत्ति जणिए जणवाए वि जइ अच्छुअ ण रक्खसि मम् ।
होज्ज खु साअर घोसो साअर पुळ्ळिणम्मि तारिसं तुह वअणम् ॥९८

अच्छुअ सअअम्

णिक्खित्तो म्हि अ अगई णिवुणे हि तुमम्मि णाह कारुणिण्हिम् ।

ते तुह दट्ठण पिण् भरिअं णअसच्च भरसु अप्पाण भरम् ॥९९

णअ सच्च पक्कणाणिअ गळिअ चिलाअ भम णिअ कुमारं व णिवो ।

होज्जन्त जोव्वण वहुं वरोव्व मं लहसु मन्ति अण विण्ण विअम् ॥१००

इअ कइ तक्किअ केसरि वेअन्ताअरिअ वेङ्कडेस विरइअम् ।

सुहअं अच्छुअ सअअं सहिअअ हिअएसु सोहउ समग्ग गुणम् ॥१०१